



湖山類稿



汪水雲詩叙



杭汪水雲以布衣携琴渡易水上燕臺侍禁時為
太皇王昭儀鼓琴奉卮酒又或至文丞相銀鐺所
為之作拘幽以下十操文山亦倚歌而和之昔者
烏公孫主王昭君皆馬上自作曲鐘儀之繫南冠
而操土音自作樂使人聽樂孰樂或謂作者之悲
不如聽者之樂聽者之樂復不如旁觀者之悲也
汪氏之琴天其使之娛清夜釋羈旅耶何其容之
至此也琴本出於怨而怨者聽之亦樂謂其能雪
其心之所謂也當其奏時如出乎人間落乎天上

殆泊與澹相遭而卒歸於無有其亦有足樂耶歸
江南入名山着黃冠據槁梧以終又起而出乎江
湖邇者名人勝士以詩見其詩自奉使出三疆宮
去國凡都人憂悲恨嘆無不有及過河所歷皇王
帝伯之故都遺蹟凡可喜可詫可驚可痛哭而流
涕者皆收拾於詩解其囊南吟北嘯如賦史傳亦
自有可喜余蓋不忍觀之孰不游也以琴遇少琴
能詩又少余欲盡其卷計之而不勝其壹鬱也則
復使之進琴焉廬陵須溪劉辰翁會孟書

書汪水雲詩後

吳人汪水雲羽扇綸巾訪予於幽燕之國袖出行
吟一卷讀之如風檣陣馬快逸奔放詢其故得於
子長之游嗟夫異哉乃為之歌曰南風之薰兮琴
無絃北風其涼兮詩無傳雲之漢兮水之淵佳哉
斯人兮水雲之仙一百五日廬陵文山文天祥履
善甫

余在武林別元量已十年矣一日來樂平尋見余
且卧病強欲一起迎肅不可得也家人引元量至
榻前相與坐語恍如隔世戚然有所感焉元量出

示湖山藁求余為序展卷讀甲子初作微有汗出
讀至丙子作潜然淚下又讀至醉歌十首撫席慟
哭不知所云家人引元量出余病復作不能為元
量吐一語曰題其集曰詩史三月十一日碧梧馬
廷鸞翔仲

余讀水雲詩至丙子以後為之骨立再嫁婦人望
故夫之壠神銷意在而不敢出聲哭也水雲生長
錢塘晚節聞見其事奮筆直情不宥為婉孌含蓄
千載之下人間得不傳之史山陽夜笛聞之者四
壁皆為悲咽正平操搗聽之者三臺俱無聲韻噫

水雲之詩真能使人至如是至如是其感哉渡黃
河歷太華望燕雲之日慨易水之分則水雲續集
余尚能無感能無喜古盱義山周方方叔

讀汪水雲詩而不墮淚者殆不名人矣水雲杭人

善琴常以琴事為樂及王昭儀暨國亡親見蒼黃

歸附又展轉北行道途所歷痛心駭目不可具道
留燕日久尚能和王昭儀歌詩訪文丞相於囚中
三宮幸得不死沒者為青塚存者為浮屠皆史記
所未有蓋昔人紇干山頭之歌水西流朕東上之
嘆世、勿生天王家之恨一披史冊尚能感涕君


皆耳聞目見又能寫為詩幽憂沉痛殆不可讀今君已入名山作黃冠師飄然興亡得喪之外獨留此斷腸泣血遺千古羞與千古恨昔雍門周以琴見孟嘗君不能令孟嘗君悲也及為言千秋萬歲後宗廟必不血食高臺壞曲池漸墳墓下嬰兒豎子株樵者躑躅而歌其上然後孟嘗君泣焉承臉周引琴而鼓之孟嘗君泣涕增哀若破國亡邑之人况余亡國賤俘未聽君之琴而先讀君之詩其泣焉承臉已不可禁矣君謂余吾取琴為先生鼓之何如余拭淚而謝之曰止止廬陵青山趙文儀

可

往時讀泣血錄為之淚下回歎德祐之事意必有杭之文章鉅公書於野史後人見而悲之未必不若予今日之讀泣血錄也一日吳友汪水雲出示類藁紀其亡國之戚去國之苦艱關愁歎之狀備見於詩微而顯隱而彰哀而不怨歛歔而悲甚於痛哭豈泣血錄所可並也元之事紀於草堂後人以詩史目之水雲之詩亦宋亡之詩史也其詩亦鼓吹草堂者也其愁思壹鬱不可復伸則又有甚於草堂者也噫水雲留詩與後人哀耶留詩與後

人愁也可感也重可感也敬賦二十字書綴卷尾
云天地事如許英雄髮已斑淚添東海水愁壑北
邛山吉人鶴田李珣元輝

湖山類彙卷之一




水雲汪
須溪劉

元量
辰翁

大有
會孟


行吟
批點


臨山殿葉卷



藏書印
卷之六

竹金





地動兵前草木挾風寒計窮但覺歸降易事定方
知進退難獻宅乞為祈請辱哉使酣歌食肉愧田單
和徐雪江即事

萬里起青烟旌旗若湧泉國家開氣數不忍聞陵谷見推
遷避難渾無地偷生賴有天夜來聞大母已自納
降箋

二月初八日左丞相吳堅右
樞密使謝堂參政密

危江海蛟

母子悲

征詩

望海樓獨立

風吹腥氣滿樓臺，獨倚闌干十二回。
天入逝去雨昏吳市燕，飛來旌旗閃閃千帆過。
簾幙重重一笛哀，惆悵玉環何處在。
海棠猶自向人開。

吳山曉望

城南城北草芊芊，滿地干戈已惘然。
燕燕鶯鶯：隨戰馬風風雨雨，渡江船小儒愁劇吟如哭。
老子歌闌醉欲眠，一夜春寒花命薄。
亂飄紅紫下平川。

同毛敏仲出湖上由萬松嶺過浙江亭

錢塘門外看新晴，舞蝶游蜂沒一星。
風挾斷雲橫北巘，烟隨飛雨渡南屏。
蘓堤柳樹照波綠，吳苑麥苗連地青。
邂逅尋詩過嶺去，鼓鞞聲震浙江亭。

客感和林石田

細柳和烟舞濕雲，落花隨水送歸春。
門東應嘆江上白鷗誰肯馴，朱子不仁唐逆賊。
誑漢忠臣離亭一笛悲，風急君賦秦州。

感慈元殿事

翠華扶輦出彤庭，蜜炬星繁天不忍見不忍

上別熊羆從駕雨中行綠波淼：浮三殿紫禁沉
沉斷六更惟有週遭山似洛不堪回首淚縱橫

錢塘歌

此詩脫老杜顯慶年中越王作又

錢塘江上龍光死錢王宮闕今如此白髮宮娃作
遠游漠漠平沙千萬里西北高樓白雲齊欲落未
落日已低古人不見今人去江水東流鳥夜啼

別楊駙馬

去去馬空冀北行行鶴度遼東彈鋏三千客裏囊
錐十九人中杜子肯依嚴武孔融不下曹公南八
男兒如此殺身方是英雄

清明

避難不知寒食和愁又過清明都下紛：躍馬湖
邊恰恰啼鶯

讀史

餓死首陽二子偷生商嶺四翁劉項稱王稱霸關
張無命無功

廢宅

王侯多宅第草滿玉闌干縱有春光在人誰看壯

丹

越女

越女為驅口朝來攬鏡慵欲梳新墜馬忍
兵後登大內芙蓉閣宮人梳洗去

繁：芙蓉閣我登雙眼明手拊沉香闌美人
征美人未去時朝理綠雲鬟暮吹紫鸞笙美人既
去時閣下麋鹿走閣上鷓鴣鳴江山咫尺生烟霧
萬年枝上悲風生空有遺鈿碎珥堆玉案空有金
蓮寶炬錯落懸珠楹楊柳青青芙蓉子冥冥美
人不見空淚零錦梁雙燕來又去夜蟾蜍窺玉屏

醉歌 此十歌真江南野史

呂將軍在守襄陽十載襄陽鐵脊梁望斷援兵無

信息聲聲罵殺賈平章

援兵不遣事堪哀食肉權臣大不才見說襄樊投
拜了千軍萬馬過江來

淮襄州郡盡歸降鞞鼓喧天入古杭國母已無心
聽政書生空有淚成行

六宮宮女淚漣漣事主誰知不盡年太后傳宣許
降國伯顏丞相到簾前

讀之墮淚

亂點連聲殺六更熒熒庭燎待天明侍臣已寫歸

降表臣妾僉名謝道清

忍見忍見

衣冠不改只如先關會通行滿市廛北客南人成

買賣京師依舊使銅錢
北師要討撒花銀官府行移逼市民丞相伯顏猶
有語學中要揀秀才人
湧金門外雨晴初多少紅船上下趨龍管鳳笙無
韻調却搥戰鼓下西湖
南苑西宮棘露茅萬年枝上亂啼鴉北人環立闌
干曲手指紅梅作杏花
伯顏丞相呂將軍收了江南不殺人昨日太皇請
茶飯滿朝朱紫盡降臣

賈魏公府

葛嶺當年宰相家游人不敢此行過柳陰夾道鴛
成市花影墜闌蜂報衙六載襄陽圍已解三更魯
港事如何棟梁今日皆焦土新有園丁種火麻
重門猶釘舊桃牌惆悵行人去不回萬種好花環
曲徑一泓流水透香階高臺已見胡羊走喬木惟
聞蜀鳥哀簷外竹梅森似東鄰翁時剪作燒柴
湖邊不見碾香車斷珥遺鈿滿路塗門徑風輕飛
野馬亭臺火盡及池魚海棠花下生青杞石竹叢
邊出紫蘓却憶相公游賞日三千衛士立階除

杭州雜詩和林石田

此數詩老杜秦州詩

石田林處士吟境靜無塵亂後長如醉愁來不為
貧飯蔬留好客筆硯老斯人近法秦州體篇：妙
入神

先生忘富貴久客幸平安髮已千莖白心猶一寸
丹衣剋前進士家世舊郎官醉入烏程里吟登李
杜壇

逃難藏深隱重逢出近詩乾坤一反掌今古兩愁
眉我作新亭泣君生舊國悲向來行樂地夜雨走
狐狸
獨也吞聲哭潛行到水頭人誰包馬革子獨衣羊

裘北面生何益南寇死則休百年如過翼撫掌笑

孫劉

一春雲幕：三月雨淋淋魚菜不歸市鶯花空滿
林人行官巷口軍簇御街心老子猖狂甚猶歌梁
甫吟

烽火來千里狼烟度六橋嶺寒蒼兕叫江曉白魚
跳壯士披金甲佳人弄玉簫偶餘尊酒在聊以永
今朝

有客腸回九無人髮握三關中新約法江左舊清
談鐵騎來天北樓船過海南一枝巢越鳥八繭熟

吳蚕

躡足封韓信剖心嗔比干河山千古淚風雨一番
寒世指鹿為馬人呼鳥作鸞江頭潮白城脚水
漫漫

吟身春共瘦獨立望江亭越水荒白吳山了了
青軍降欣解甲民喜罷抽丁拍碎闌干曲吞聲血
淚零

天也今如此人乎可奈何臺邊西子去宮裏北人
過玉樹歌方息金銅淚已多旌旗遮御路舟楫滿
官河

此夕知何夕游船雜戰船山河空百二宮闕謾三
千雨歇雲垂地潮平水接天惜我無祖述誰官着
先鞭

陵廣成焦土宮墻沒野蒿亡秦皆趙李佐漢獨蕭
曹國子乘黃貴山人着白高飛埃猶黯黯逝水正
滔滔

靜看從衡士番成買賣兒禁中驚戰鼓城上出降
旗魏操非元漢唐淵不有隋從茲更革後寧復太
平期

偶出西湖上新蒲綠未齊携來編縮項買得鱉團

臍問酒入新店喚船行舊堤亂離多殺戮水畔幾
人啼

天目絲絲雨江頭剪剪風鼓鞞千艇合刁斗萬家
同金馬憐焦土銅駝蹶草叢祀天愁欲墮黑入大
陰中

日月往來轂乾坤生殺機江春蛟妾舞塞暖鴈奴
歸逆旅詩添債愁城酒破圍如何秦相國昨夜駝
韓非

如此只如此無聊酒一樽江山猶昨日笳鼓又新
元黑潦迷行路黃埃入禁門高亭山頂上百萬漢

軍屯

世變長椎髻時更短浚衣魏庭翁仲泣唐殿子孫
非樹禿鴉爭集梁空燕自歸斷橋春已暮無賴柳
花飛

春去雨方歇水流花自飛人生螻蟻夢世道
衣日月東西驛乾坤闔闢扉斯今無二子空有首
陽薇

假途虞滅虢嘗膽越吞吳黑白一棋局方圓八陣
圖是翁猶矍鑠諸老自挪揄喟嘆投麟筆悲歌擊
唾壺

竟夕柴門掩無心接縉紳山中多樂事世上少全
人諸呂幾亡漢商翁不仕秦柴桑深僻處亦有晉
遺民

天下愁無盡生前樂有涯文章一小技富貴摠虛
花塵入金張宅草生王謝家可憐三月火不見八
姨車

休休休休休干戈白盡頭諸公雲北去萬事水東
流春雨不知止晚山相對愁呼童携斗酒我欲一
登樓

送琴師毛敏仲北行 三詩似山谷

西塞山前日落處北關門外雨來天南人墮淚北
人笑臣甫低頭拜杜鵑

五里十里亭長短千帆萬帆船去來請君收淚向
前去要看幽州金築臺

蘓子瞻喫惠州飯黃魯直度鬼門關今日君行清
淚落他年勛業勒燕山

吳兒

玉貌兒童淚盈把辮髮垂肩行酒竿將軍又去打
蘓州出門指使教牽馬

答林石田

南朝千古傷心事每閱陳編淚滿襟我更傷心成
野史人看野史更傷心

浙江亭別客

諸公來此欲憑闌
秃樹粘雲濕不乾
小燕正嫌三月雨
老鷺又受一春寒
樓頭呼酒盡情飲
江上遇花隨意看
莫怨人生有離別
人生到此別離難

江上

大學諸齋揀秀才
出門何處是金臺
棟花風緊子規急
楊柳烟昏黃鳥哀
潮落潮生天外去
人歌人哭水邊來
推蓬坐對吳山月
幾度關門擊柝回

曉行

此情何以堪

癡坐書牕待曉鐘
背燈無語意無窮
一家骨肉正愁絕
四海弟兄如夢同
西舍東鄰今日別
北魚南鴈幾時通行
行忍見御溝水流
出滿江花片紅

淚盡詩盡

湖山類藁卷之二

湖山類藁卷之二

北征

水雲汪 元量 大有 行吟
須溪劉 辰翁 會孟 批點

北師有嚴程挽我投燕京
挾此萬卷書明教萬里
行出門隔山嶽未知死與生
三宮錦帆張粉陣吹
鸞笙遺氓拜路傍號哭皆失聲
吳山何青青吳水何泠泠
山水豈有極天地終無情
回首叫重華蒼梧雲正橫

吳江

吳江潮水化蟲沙兩岸垂楊噪亂鴉舟子魚

宰相路人麥飯進官家莫思後事悲前事且向天

涯到海涯回首尚憐西去路用老杜尚憐終南山意臨平山下有荷花

蘓臺

闔閭門外草如霜到此躊躇欲斷腸紅陣教成人
已去黃池會罷事堪傷將雛野鹿嚼枯薺挾子宮
鳥噪夕陽越蠡扁舟漭無所五湖風浪白茫茫

虎丘

維舟與客訪興亡寺有殘僧說故王寶物已銷龍
虎氣奎章猶射斗牛光為妖真女花藏墓說法生

公月滿堂邂逅一樽歸路遠樵歌牧笛送斜陽

惠山值雨

惠山寺裏北人過古柏莖、伐盡柯三世佛身猶
破相一泓泉水亦生波山林雖樂元非樂塵世多
魔未是魔舉似於人何以故坐簷閑看雨霏霏

畫溪酒邊

夜來飲酒醉如何酒醒方知事轉多趙國未衰廉
藺在齊城將下酈韓過鵲飛月樹無依所龍入風
江謾作波忽有好詩來眼底畫溪柳板唱漁歌

常州

渡頭風起柳搖絲
丁卯橋邊屋已稀
河草青
淮馬健
江花冉
海鷗肥
一樽酒對三人飲
八字帆分兩岸飛
天末有人難問訊
仲連東去不須歸

重游甘露寺

小留甘露莫開船
我欲題詩寄佛軒
犬下脩廊迎宿客
僧歸曲巷背櫂門
梅邊拂石安碁局
竹外鳴琴薦酒尊
却憶市朝無事日
笙歌日
醉昏

多景樓

多景樓中晝掩扉
畫梁不敢住烏衣
禪房花木兵燒殺
佛寺干戈僧怕歸
山雨欲來淮樹立
潮風初

起海雲飛酒尊未盡
登舟急更過金焦看落暉

金山

楊柳堤邊看渡船
金山上訪金仙
一江風起塵揚海
兩岸潮來浪拍天
龍化老人頻問法
狐為少婦竊聽禪
此機何與書生事
且借方牀熟晝眠

焦山

焦山寺裏白雲堆
百尺危樓百尺臺
持咒聖僧漂海去
尋詩閑客渡江來
雷轟石樹公蜈出
日轉虛簷燕子回
桡上楞嚴都好
在昆明又見有新灰

京口野望

倚岸人家插酒旗受降城下客行稀南徐白晝虎
成陣北固黃昏鴉打圍亂後江山元歷歷愁邊楊
柳極依、權歌漁子無些事網得時魚換酒歸

揚子江

揚子津頭客子愁孤舟欲渡意綢繆蛟龍兩句簡齋
舊語新穴鷗鷺輕輕下故洲水捲岸沙連地去風掀江
浪接天流試披陸羽圖經看洗鼎煎茶更少留

揚州

江都王氣逐浮漚舊說維揚第一州銀燭夜攢喧
鳳吹金鞍曉織衛龍舟綠蕪城上軍聲合紅藥階

前客淚收雲散月明天在水誤疑身世落瀛洲

淮安水驛

薄暮舟維揚柳堤手攀楊柳立多時漢兒快意歌
荷葉越女含愁舞柘枝月濕江花和露泣潮搖淮
樹帶風悲長亭一夜渾無寐與客傳盃更和詩

邳州

身如傳舍任西東夜榻荒郵四壁空鄉夢漸生燈
影外客愁多在雨聲中淮南火後居民少河北兵
前戰鼓雄萬里別離心正苦帛書何日寄歸鴻

徐州

白楊獵獵起悲風滿目黃埃漲太空野壁山墻彭
祖宅塵花糞草項王宮古今盡付三杯外豪傑同
歸一夢中更上層樓見城郭亂鴉古木夕陽紅

戲馬臺

臺空馬盡始知休枳棘叢邊鹿自游泗水不關興
廢事佛峯空鎖古今愁風吹野甸稻花晚雨暗山
城楓葉秋欲吊英靈何處在髑髏無數滿長洲

燕子樓

樓顛瓦解草如鬣燕子不來風獵獵倚筇搔首重
徘徊野花叢裏飛蝴蝶

呂梁

呂梁三十仞縣水莫知源雨歇山如沃波狂岸欲
翻黃雲撲古塞青草織平原最是關情處秋霜一
夜猿

歌風臺

百尺荒臺禾黍悲沈思往事似輪飛洛中車駕秦
皇去沛上風雲漢帝歸鷹入塞榆衝鴈陣鶻穿城
樹破鴉團東徐多少英雄恨留與行人歌是非

觀魚臺

高臺留古蹟不見隱公游白日悲風起清河逆水

流潛魚投別浦狡兔據荒丘應笑臧儂伯何如諫
得休

東平官舍

曉鞭驛馬入東州瘦骨稜曾怯素秋天地不仁人
去國江山如待客登樓市沽魯酒難為醉座咽
笳易得愁日暮憑闌窮目力一行征鴈塞邊頭

通州道中

一片秋雲妬太虛窮荒漠走群狐西瓜黃處藤
如織北棗紅時樹若屠雪塞搗砧人戍遠霜管吹
角客愁孤幾回兀坐穹廬下賴有葡萄酒熟初

西瓜北棗眼前便是詩句貴其真故也

幽州會同館

六花飛舞下天衢萬里羈人心正孤收拾碎甌裨
煖炕掘穿平地結寒爐行厨日給官中粟遮驛時
供塞上酥忽報傳宣雙勅使王門今欲試齊筭

無聊言語

黃金臺和吳實堂韻

把酒上金臺傷心淚落杯君臣難再得天地不重
來古木巢蒼鶻殘碑枕碧苔倚闌休北望萬里起
黃埃

幽州歌

漢兒辮髮籠羶笠日暮黃金臺上立臂鷹解帶忽

放飛一行塞鴈南征急

御宴蓬萊島

曉入重闈對冕旒內家開宴擁歌謳駝峯婁割分
金盃馬妳時傾泛玉甌禁苑風生亭北角寢園日
轉殿西頭山前山後花如錦一朵紅雲侍輦游

幽州寒食游江鄉園

曉出城南信杖藜江鄉小圃百花開侑尊妓女騎
驢去頂笠僧官躍馬來樂架秋千紅嫵娜數行簫
管綠低徊隔河小艇人歌舞搖蕩春光不肖回

登薊門用家則堂韻

薊門高處小凝眸雨後林巒翠欲流車笠自來還
自去笳簫如怨復如愁珍珠絡臂誇燕舞紗帽蒙
頭笑楚囚忽憶舊家行樂地春風花柳十三樓

燕山送黃千戶之盱江

萬里關河道路迂出門一笑意何如來時雨雪侵
駝褐歸日風雲謁駟車玉座喜聞黃石策金臺榮
拜紫泥書野人無以效芹獻一斗酒邊雙鯉魚

盧奉御自上都回見訪

詩人騎馬接官回邂逅居庸懷抱開冷地不禁風
聒：炎天長見雪堆：昨宵我夢中南去今日君

從直北來說盡窮陰無限事呼童携酒上金臺
筠溪王奉御寄詩次韻呈厓松盧奉御
新詩蒙遠寄客路不勝秋同谷歌臣甫新豐醉客
周君今嫌作吏我已厭封侯何日西湖曲紅船上
下游

幽州秋日聽王昭儀琴

瑤池宴罷夜何其拂拭朱絃落指遲彈到急時聲
不亂曲當終處意尤奇雪深沙磧王嬙怨月滿關
山蔡琰悲羈客相看默無語一襟愁思自心知

薊北春望

江南二月巖筍肥江北客行殊未歸怕上西樓洒
鄉淚東風吹雨濕征衣

燕歌行

北風刮地愁雲彤草木爛死黃塵蒙
搗鞞伐鼓聲
蓼金鞍鐵馬搖玲瓏將軍浩氣吞長虹
幽并健兒膽力雄
戰車軋馳先鋒甲戈相撥聲摩空
鴈行魚貫彎角弓披霜踏雪度海東
關血浸野吹腥風捐軀報國効死忠
鼓衰矢竭誰收功將軍卸甲入九重
錦袍宣賜金團龍天子錫宴葡萄酒
宮烹龍魚鸞割駝峯紫霞瀲灩琉璃鐘
天顏有喜春融

乞與窈窕雙芙蓉虎符腰佩官益穹歸來賀客皆
王公戟門和氣春風中美人左右如花紅朝歌夜
舞何時窮豈知沙場雨濕悲風急冤魂戰鬼成行
泣

秋日酬王昭儀

愁到濃時酒自斟挑燈看劍淚痕深黃金臺隗少
知己碧玉調湘空好音萬葉秋風孤館夢一燈夜
雨故鄉心庭前昨夜梧桐語勁氣蕭蕭入短襟

平原郡公夜宴月下待瀛國公歸寓府

春事闌珊夢裏休他鄉相見淚空流柳搖楚館牽

新恨花落吳宮憶舊游渴想和羹梅已熟饑思進
飯麥初收瀛洲歸去琅玕長月朗風熏十二樓

燕山九日

九日淒涼戲馬臺龍山高會亦塵埃天翻地覆英
雄盡暑往寒來歲月催人隔關河歸未得客逢時
節轉堪哀十年舊夢風吹過忍對黃花把酒杯

幽州雪霽翰林諸公分韻得明字

寒雪初晴冷氣清地爐火活漸春生嬾騎
人戶滿酌肥羔朝帝京屋破玉川貧亦樂
塢貴何榮道心自得鍾儀趣一操南音

庚辰正月旦早朝呈留忠齋

庭燎明如晝金壺漏水平爐烟搖曉色欄

聲三祝聖人壽一忠臣子情新元奏封事

蒼生

妾薄命呈文山道人

妾初未嫁時晨夕深閨中年當十五餘顏色如花

紅千里遠結婚出門山重、與君盛容飾一笑開

芙蓉君不願妾色劍氣干長虹耿耿丈夫

天下雄結髮未逾載倏然各西東妾獨

養姑與翁姑翁去年春長夢隨飄風思君

音信安可通諒無雙飛翼焉得長相從自服嫁時

衣荆釵澹為容誓以守貞潔與君生死同君當立

高節殺身以為忠豈無春秋筆為君紀其功

文山集杜句和韻云請陳初亂時哭廟灰燼中
落日照大旗雲漢為之紅本朝再樹立乘輿安
九重惜哉瑤池飲禱隱綉芙蓉翠華蒙塵飛影
若揚白虹文夫誓許國無人馬皆自雄南游炎海
旬編蓬石城東稍令社稷安萬里狎漁翁不通
速如鬼一視征伐聽所從中夜間道歸咫尺或
壯士血相英雄士古來偏側同平生白羽扇嗟
未容豈知再光中
興業何人第一功

幽州送景僧錄歸錢塘

天目山前景老禪長安傳法舊沙門十年不見身

為累萬里相逢舌尚存
漢塵埃凝破衲淒風
露襲歸轅到家定有秋光在
報答黃花滿故園

冬至日同舍會拜

燕市人爭看秀才團藥
此日會金臺葡萄酒熟澆
駝髓蘿蔔羹甜煮鹿胎
硯筆寂寥空洒淚管絃鳴
咽自生哀雪寒門戶賓朋少
且撥紅爐守泰來

自笑

釋氏掀天官府道家隨世功名俗子執鞭亦貴書
生無用分明

幹魯塚觀獵

黑風滿天紅日出千里
萬里棲寒烟快鷹已落薊
水畔獵馬更在燕山前
白旄黃鉞左右繞羶房殿
帳東西旋海青眇然從此去
天鵝正墜陰崖巔

幽州月夜酒邊賦西湖月

西湖月光皎潔曾照錢王九重闕
錢王歌舞戀春風月亦有情光不歇
一朝歌舞成塵土斷礎荒宮走狐兔
月亦傷心不肖明人亦吞聲淚如雨
西湖月幾度圓幾度缺人生南北歧路多
幾度相逢幾度別去年月圓時我在西湖十里荷花香
月吞酒卮今年月缺時我在燕山萬里未酒

招月來勸月酒一杯我酒飲盡
胡為乎來哉停杯問月月變色嫌
人生如白駒之過隙若不痛飲真可惜
如流水何如月照金樽裏首陽二子忍
盜跖成螻蟻我有長鯨吸川口倒挽銀河添我酒
我酒千年飲不乾月光與我長相守酒酣拔劍斫
地歌錢王宮闕生白波西湖月光更多有酒不飲
將如之何

瀘溝橋王昭儀見寄回文次韻

溝水瀘邊落木踈舊家天遠寄來書秋風冷驛官

行未夜月虛牕客夢初流鴈斷鴻飛曠野舞鸞離
鶴別穹廬裘貂醉盡一樽酒愁散方知獨上車

幽州除夜

十年旅食在天涯到處身安只是家雪塞春回鄒
衍律霜營寒入禰衡搗壺傾卯酒杯浮粟厨出辛
盤飮簇花奴僕不須喧鼓吹恐驚樵馬與林鴉

關山月

關山月關山月東邊來西邊沒夜々照關
多戰骨男兒莫去學弓刀女兒莫嫁關山
母啼送爺去當軍今年妻啼送夫去當

老妻年少養子嫁夫不得力關山月關山月
見月圓月：見月缺萬里征夫淚流血將軍
大羽箭沙場格鬪無休歇誰最苦子誰
出戍當門戶只今頭白未還鄉母死妻亡業無主
關山月關山月生離別死離別爺娘妻子顧不得
努力戎行當報國

出居庸關

平生愛讀書反被讀書誤今辰出長城未知死何
處下馬古戰場荆榛莽回互群狐正縱橫野梟號
古樹黑雲滿天飛白日翳復吐移時風揚沙人馬

俱失路躊躇默吞聲聊歌遠遊賦

長城外

飲馬長城窟馬繁水枯竭將奈何馬嘶不肖
歇君看長城中盡是骷髏骨骷髏幾千年猶且未
滅沒空嘶千年冤此冤何時雪祖龍去已遠長城
久迸裂嘆息此骷髏夜：泣秋月

寰州道中

窮荒六月天地有一尺雪孤兒可痛哉令人哀：淚流
血書生不忍啼尸坐愁欲絕鼙鼓夜達明角笳競
於邑此時入骨寒指墮膚亦裂萬里不同天江南

正炎熱

李陵臺

伊昔李少卿築臺望漢月、落淚縱橫悽然腸斷
裂當時不受死犯古語心懷歸漢關豈謂壯士身中道有
摧折我行到寰州悠然見突兀下馬登斯臺、荒
草如雪妖氛靄冥濛六合何恍惚傷彼古英雄清
淚泣不歇吟君五言詩朔風共嗚咽

蘓武洲羶房夜坐

明發啟帳房冷氣迸將入饑鷹傷人飛瘦馬對人
立禦寒挾貂裘蒙頭帽氈笠淒然絕火烟陰雲壓
身濕賴有葡萄醅借暖敵風急

居延

憶昔蘓子卿持節入異域淹留十九年風霜毒顏
色嚙氈曾牧羝跣足涉沙磧日夕思漢君恨不生
羽翼一朝天氣清持節入漢國胤子生別離回視
如塊礫丈夫抱赤心安官淚沾臆

昭君墓

一昔王昭君遠嫁單于去上馬出宮門琵琶語如
訴昔為漢宮妃今作 婦別來歲月深竟入泉
下路還知身後名青草覆孤墓

開平雪霽

雪霽山崔嵬平荒絕人跡獵：大風寒香：遠天
碧腐儒策蹇驢覓句繞砂磧一吟三徘徊日卓人
影直孤鴻雲中來對我聲噓：迺知晴天好物類
各有適頃刻片雲生雪花大如席偉哉復偉哉造
物真戲劇

天山觀雪王昭儀相邀割駝肉

北征已十年壹鬱悲局促拄杖看天山雪光皎如
玉滿目鷗鴈飛晴天獵鴻鵠羈人竈無炊竟夕囂
其腹美人塞邊來邀我分豆粥手持并鐵刀欣然

割駝肉勿謂草堂翁一飽死亦足

草地

齷齪復齷齪昔聞今始見一月不梳頭一月不洗
面饑則嚼乾糧渴則啖雪片困來卧羶房重裘頗
相戀故衣連百結蟣蝨似珠串平明獵陰山鷹犬
逐人轉呱：凍欲僵老娃淚如霰忽有使臣來宣
賜尚方饌

開平

冷霰撒行車呻吟獨搔首須臾大如席風捲半空
走母子鼻酸辛依：自相守書生倒行囊

樽酒暫時借溫和耳熱豈長久萬木舞陰風言語
冰在口羶房耿無眠兀々聽刁斗

草地寒甚羶帳中讀杜詩

少年讀杜詩書生迂頗厭其枯槁潤如雪中尚讀詩斯時熟讀之始知句

好書生挾蠹魚流行萬里道朱顏日以衰玄髮日
已老耿耿不圓卿寧方自為皂舉目無寸親憂傷
入懷抱炎天冷如冰磧地不生草我馬跑砂石我
饑面蒼吳人馬不相離凍死俱未保何當回白日
陰雲盡一掃

陰山觀獵和趙待制回文

圍獵看人放海青黑山峽口路交橫飛鴻雨濕雲
天遠去馬風寒雪塞平歸客北邊關擊柝過軍西
畔寨燈明巍巍殿帳羶房煖衣鐵冷深更鼓鳴

萬安殿夜直

鳳銜紫詔下雲端千載明良際會難金闕早朝天
表近玉堂夜直月光寒宮衣屢賜恩榮重御宴時
開禮數寬却憶玄都人去後桃花零落倚闌干

送張舍人從軍

大笑出門去誰能筆硯囚十年渾不調萬里欲先
侯哀蕭吾將老飛揚子未休他年身退道官伴赤

松游

文山丞相丙子自京口脫去變姓作清江
劉洙今日相對得非夢耶

昔年變姓走淮濱虎豹縱橫獨愴神青海茫茫迷
故國黃塵黯黯泣孤臣魏睢張祿夢中夢越蠡陶
朱身後身今日相看論往事劉洙元是姓文人

讀文山詩藁

一朝禽瘴海孤影落窮荒恨極心難雪愁濃髮易
霜燕荆歌易水蘓李泣河梁讀到艱難際梅花鐵
石腸

送張總管歸廣西

燕玉成行把酒卮酒卮未盡即言離賓鴻冒雨回
峰日旅燕衝風過海時棹撥蓼灣秋斫膾劍飛梅
嶺夜吟詩明年有約重來否一騎紅塵貢荔枝
過河所歷如賦史傳可喜可喜

湖山類藁卷之三

水雲汪
須溪劉

元量
辰翁

大有
會孟

行吟
批點

易水

蘆葦蕭森古渡頭征鞍卸却上孤舟
烟籠古木猿啼夜月印平沙
鴈叫秋砧杵遠聞添客淚
鼓鞞總動起人愁
當年擊筑悲歌處一片寒光凝不流

北嶽降香呈嚴學士

萬里溟濛起戰埃
翩、勒馬出金臺
同君遠使山頭去
如朕親行嶽頂來
野廟橫斜挨老樹
古碑鎮

倒枕荒苔瞻天只有丹心在香篆爐熏達九垓

太華峯

華山：木亂紛紛鐵鎖垂：裊裊猿石齒：前光
爍：壁岩岩後勢奔：竒竒恠怪雲根聳鬱：葱
葱霧氣昏上上：頭仍上：最高高處有乾坤

商山廟

寒柏枯松枕廟門獨瞻遺像酌清尊紫芝奕奕浮
香氣碧草濺：沒燒痕羽翼已成猶有說腹心相
視更何言高歌一曲歸來隱靜看山禽哺子孫

孟津

寒蘆風颯颯時節近昏黃木脫千山瘦江空一水
長雲高鵬北運天濶鴈南翔讀盡焚舟賦持觴酌
子桑

少室山

苔：路徑入空濛中有幽人舊日宮野草敗垣供
暮雨斷碑古木管秋風山川融結千年秀天地包
籠一世雄從此不須高索價高名過眼總飄蓬

天壇山

我登天壇山洒然清吟目群峯如見孫羅列三十
六支藤陟層巔中有少室屋山人化飛仙庭除生

首看古碑野火燒剝落字難讀
雉鹿卧幽巖孤鳥響空谷
解鞍小遲留偷閑半日足
長嘯歸去來題詩紀幽獨

阿房故基

祖龍築長城雄關二百所
阿房高接天六國收歌女
跨海覓仙方蓬萊眇何許
欲為不死人萬代秦宮主
風吹鮑魚腥茲事竟虛語
乾坤反掌間山河淚如雨
誰怜素車兒奉璽納季父
楚人斬關來一炬成焦土
空餘此餘基千秋泣禾黍

洛陽橋

日西來到洛陽城下馬橋邊
信步行紅紫已無花爛熳
青黃只有草縱橫風吹渭水
秋砧急月滿秦川夜柝清
我醉欲眠眠不得更聽人
唱楚歌聲

馬嵬坡

霓裳驚破出宮門馬上香羅
拭淚痕到此竟為山下鬼
不堪鞞鼓似招魂

北邙山

芒：北邙山高墳盡無主
惟有石麒麟相向立秋雨

天津橋

白楊獵、柳青、怒浪高低不肖平一自堯夫分
手後更無人聽杜鵑聲

華清池

一夜春寒事可知海棠無地避風吹溫泉自向東
流去不管飛紅出禁池

終南山館

夜涼金氣轉淒其正是羈孤不寐時千古傷心南
渡曲一襟清淚北征詩霜凝鞞鼓星橫劍風捲旌
旗月滿危旅鴈已離榆塞去帛書搖曳過江遲

函谷關

西風吹我度函關古壑泉聲靜自閑老子騎牛沙
上去仙人化鶴苑中還斷崖木脫懸殘日絕域雲
橫失好山舊說度關朱履客一聲鷄唱翠微間

潼關

殺日烏雲撥不開昏、勒馬度關來綠蕪徑路人
千里黃葉郵亭酒一杯事去空垂悲國淚愁來莫
上望鄉臺桃林塞外秋風起大漠天寒鬼哭哀

秦嶺

峻嶺登臨最上層飛埃漠、草稜、百年世路多
番覆千古河山幾廢興紅樹青烟秦祖隴黃茅白

蕭漢家陵日思馬上昌黎伯回首雲橫淚濕膺

藍田

寒更客起捲花氈又勒青駝過玉田一剎歸心千
澗外十分秋思兩峯前藍關月冷猿啼木秦嶺風
高鴈貼天北望茂陵應咫尺髑髏沙白草芊芊

嵩山

二詩好

客行天地中嵩峰何突兀鳥道阻且脩馬煩行復
歇一入玉女牕便覺幽興發好鳥鳴嚶嚶細草亂
如髮石城蔭青松瓊壁白雪中有神聖居飛甍
半摧折寶繪翳苔莓古碑字亦滅莫辯千載事焉

能踏仙轍徒有感慨懷脈脈淚不絕

行々大室峯秋聲若鳴鏑流目瞞崎嶇蓬萊應咫尺
尺上有神仙區下有穆王宅徘徊復徘徊泣然感
疇昔八駿不重來秋山空月白安得會瓊韶共作
瑤池客

七月初七夜渡黃河

頗自送客

長河界破東南天怒濤日夜如奔川此行適逢七
月夕妖氣散作空中烟牛郎織女涉清淺支機石
上今何年揚帆一縱萬里目身世恍若槎中仙仰
看銀河忽倒瀉月明風露何消消狂來拔劍斫河

水欲與祖逖爭雄鞭扣舷把酒酌河伯低頭細看
河清漣平生此懷其已久到此欲說空回旋嗟予
不曉神靈意咫尺雷雨心茫然

汴都紀行

尋僧入相國寺領客過大師橋行到汴堤西畔柳
陰陰處魚跳

夷山醉歌

二詩迭宕

楚狂醉歌：正教更上梁臺望明月朔風獵獵吹
我衣絕代佳人皎如雪搥羯鼓彈箜篌烹羊宰牛
坐糟丘一笑再笑揚清謳遙看汴水波聲小錦擢

忘還事多少昨日金明池上來艮嶽淒涼麋鹿逸
麥青、黍離、萬年枝上鴉亂啼二龍北狩不復
返六龍南渡無還期金銅淚迸露盤濕畫闌桂柱
酸風急鳩居鵲構蒼隼入蛇出燕巢白狐立東南
地陷妖氛黑雙鳳高飛海南陌吳山日落天沈沈
母子同行向天北關河萬里雨露深小儒何必悲
苦心歸來耳熱忘頭白買笑揮金莫相失呼奚奴
吹箏策美人縱復橫今夕復何夕楚狂醉歌：欲
輟老猿為我啼竹裂
嗚呼再歌子花滿臺好月為我光徘徊人生在世

不滿百紛華過眼皆成灰夷山青、汴水綠西北
高樓咽絲竹美人十指織如玉為我行觴歌一曲
含宮嚼徵當牕牖露脚斜飛濕楊柳就中有客話
陳橋如此山河落人手客且住聽我語楚漢中分
兩丘土七雄爭戰總塵埃三國鷲花浩無主咸陽
宮殿不復都華清池沼溫泉枯世間興廢奔如電
滄海桑田幾回變人生得意且盡歡何須苦、為
高官人生有命且行樂何必區、全用太白語嘆牢落遮莫金
章與玉珂何如桐江披釣簑遮莫貂蟬貴此身何
如柴桑漉酒巾君不見海上看羊手持節饑來和

雪和氈嚙又不見飯顆山頭人見嗤愁吟痛飲真
吾師美人美人勸我酒有客有客聽我歌須臾客
醉美人睡我亦不知天與地嗚呼再歌子無人聽
月自落子酒未醒

濟瀆

玉簡投潭洞金樽出石隈龍光幡窟宅蜃氣結樓
臺捲地風雷起掀天雨雹來人間為濟瀆水底即
蓬萊

孔子舊宅

奉出天家一瓣香着鞭東魯謁靈光堂、聖像垂

龍衮濟、賢生列。鴈行屋壁詩書今絕響。衣冠人物只堪傷。可憐杏老空壇上。惟有寒鴉噪夕陽。

泰山

勅使聯鑪上翠岑。飛泉躍澗吼雷音。凌高一覽知天遠。迂曲千蹊覺洞深。龍蟄滄溟蛟舞竪。梟橫碧落鳳歸林。山靈護得神祠在。苔蝕秦碑古樹陰。

降香回燕

一從得玉旨。勒馬幽燕起。河北與河南。一萬五千里。

大元皇后游蓬萊島

午夜紅雲滿太清。曉來王母下瑤京。日從萬歲山頭出。人在九重天上行。

太皇謝太后挽章

羯鼓喧吳越。傷心國破時。雨闌花洒淚。烟苑柳顰眉。事去千年速。愁來一死遲。舊臣相吊後。寒月墮

燕支

大漠陰風起。羈孤血淚懸。忽聞天下母。已赴月中仙。哀樂浮雲外。榮枯逝水前。遺書乞骸骨。歸葬越山邊。

青陽提刑哀些

提刑辭宋國奉使到燕都入貢能全璧懷歸不獻
圖看羊居北海化鶴返西湖楚客歌哀些臨棺奠
酒壺

女道士王昭儀仙游詞

吳國生如夢幽州死未寒金閨詩卷在玉案道書
閑苦霧蒙丹旄酸風射素棺人間無葬地海上有
仙山

平原郡公趙福王挽章

大王無起日草木盡傷悲生在太平世死當離亂
時南冠流遠路北面幸全屍舊客行霜霰呼天淚

濕麾

文山道人事畢壬午臘月初九日

匡山擒得到燕山此老從容就義難生愧夷齊尚
周粟死同巡遠只唐官雪平絕塞魂何往月滿通
衢骨未寒一劍固知公所欠要留青史與人看

瀛國公入西域為僧號木波講師

木老西天去袈裟說梵文生前從此別去後不相
聞忍聽北方鴈愁看西域雲永懷心未已梁月白
紛

全太后為尼

南國舊王母西方新世尊
頭顱歸妙相富貴悟
門傳法優婆域誦經孤
獨園夜闌清磬罷趺坐
雪
花繁

幽州會飲

客路相逢在異鄉
佐尊先得杜韋娘
舞迴錦臂花
爭艷醉吸金波
月闌光他日未忘
今日樂老年須
記少年狂五陵游
俠休相笑歸去奚
奴有錦囊

余將南歸燕趙諸公子携妓把酒餞別醉

中作把酒聽歌行

二詩有氣魄

君把酒聽我歌君不見陌上桑
鶉奔、子鵲疆、

高堂今夕燈燭光
燕姝趙女吹笙簧
君把酒聽我
歌美人美人美如此
傾城傾國良有以
周惑褒姒
烽火起紂惑妲已
賢人死君把酒聽
我歌漢家之
亂呂太后唐家之
亂武則天魏公銅臺
化焦土隋
煬月殿成飛烟君
把酒聽我歌美人
美人色可食
美人美人笑可愛
美人命薄爭奈何
美人色衰相
棄背美人一笑難
再得美人絕色今
何在君不見
馬嵬坡下楊太真
天生尤物不足珍
得及唐虞九
婦人千古萬古名
不湮
我把酒聽君歌
美人娟、花灼、
月照金樽光綽

約有酒有歌君亦愁把酒聽歌君亦樂我有鸚鵡
杯君有鸚鵡杓一盃一杯復一盃酒盡還沽共君
酌我把酒聽君歌天不荒地不老人生百年休草
草對花對酒且高歌蓋世功名亦枯槁滿堂金玉
守者誰萬事何如酒杯好君不見巢父許由空洗
耳伯夷叔齊空饑死范蠡扁舟挾西子五湖風浪
兼天起又不見相如懷璧空歸來廉頗善飯何壯
哉謝安携妓入東山蒼生望霖雨乾把酒勸君
飲請君為我歌燕昭築臺金滿地郭隗登臺多意
氣劉琨夢裏起聽鷄班超萬里封侯歸君不見浣

花溪頭老翁哭白首為儒守茅屋

出自薊門行

出自薊門行行行望天北何處愁殺人黑風走砂
石華裾者誰子意氣萬人敵金鞍鞞白馬奮飛虎
生翼書生爾何為不草相如檄徒有經濟心壯年
已斑白

涿州

瀘溝橋下水冷、落木無邊秋正清牛馬亂鋪黃
帝野鷹鷂高磨涿州城柳亭日射旌旗影花館風
傳鼓吹聲歸客偶然舒望眼酒邊

真定官舍

使君數問夜如何燈燭高張照綺羅
白酒千杯澆客醉紅粧一面惱
人多風烟漠漠庭前樹霜月娟娟
沼內荷驛吏出門相語及城南
便是潯沱河

雲臺

荒亭駐馬酌金壘風卷黃埃
上來滿地山河無漢業趙州留得古雲臺

比干墓

衛州三十里荒塚草無數忽聽
路人言此葬比干處下馬拊石
碑三歎不能去斐然成歌章聊書墓

頭樹我吊比干心不吊比干墓
世間賢與愚同盡成黃土斯人亦人爾
千千萬萬古

封丘

今夜宿封丘明朝過汴州雲橫遮遠塞
水落見長洲樹折棗初剥藤枯瓜未收
傾囊沽一斗聊以慰羈愁

花石綱

假山雖假揔非真未必中間可隱身
若使此山身可隱上皇不作遠行人

西游諸詩如窮陰積雪萬馬打圍又如灞陵風雪中驢子上覓句果然果然

湖山類藁卷之三

湖山類藁卷之四

揚州

重到揚州十載餘
畫橋雨過月模糊
后皇廟裏花何在
煬帝隄邊柳亦枯
陂麥青青嘶亂馬
城蕪冉冉落群鳥
人生聚散愁無盡
且小停鞭向酒壚

金陵

只見空城不見臺
客行搔首重徘徊
風雲舊日龍南渡
宇宙新秋鴈北來
三國衣冠同草莽
六朝宮

水雲汪 元量 大有 行吟
須溪劉 辰翁 會孟 批點

殿揔塵埃交游相見休相問把手江頭且一杯

鳳凰臺

草沒高臺鳳不游大江日夜自東流齊梁地廢鴉
千樹王謝家空蟻一丘騎馬僧爭淮口渡捕魚人
據石頭洲玉簫聲斷悲風起不見長安李白愁

石頭城

石頭城上小徘徊世換僧殘寺已灰地接汴淮山

許渾詩法

北去江吞吳越水東來健魚奮鬣隨蛟舞快鶻翻
身獵鴈回一片降旗千古淚前人留與後人哀

采石

夜泊青山下江空不受塵只看波底月便是謫仙
人

凌歊臺

百尺凌歊事已非古碑巖畔上苔衣禁園風暖草
爭發廢殿雨寒花亂飛海北天高鵬得運江南春
盡鴈知歸三千歌舞今何處惟有姑溪遠翠微

烏江

平生英烈世無雙漢騎飛來肯受降早與虞姬帳
下死不教戰血到烏江

魯港

博徒無計解其紛夜半鳴鉦潰萬軍魯港朔風掀
惡浪吳山寒日翳愁雲周不當如此說褒媚已終亡國孟德欺
孤忍負君大木已顛天柱折錢塘江上鴈成群

星子驛別客

星江彼此繫行舟我向南州君北州彭澤初歸元
亮醉沙場遠使子鄉愁人生離合花間蝶世事浮
沉柳外鷗明日沾襟各分手相思何處倚高樓

豫章驛

豫章門外盡青原高閣臨江喜尚存鸞舌瀾翻嘲
鶴靜鷗心恬澹獸蛙喧綠波綠投書渚翠竹森

森寫韻軒約客不來人已遠滿天風雨又黃昏

臨川水驛

羊角山高銷戰塵春風吹草綠孤城鵲巢遜與鳩
夫婦燕幙能容鴈弟兄今古廢興棋一着萍蓬聚
散酒三行悲歌曲盡故人去笛響長江月正明

歲暮過信州靈溪

不彈長鈇嘆無車獨倚枯筇面碧虛兵破鄉村人
住少火燒橋道客行踈雲低天濶鷹呼隼水落溪
喧獺趁魚東鷺西馳歸未得明朝又是歲將除

三衢官舍和王府教

十年牢落走窮荒，萬里歸來行路長。
坐上嘉賓能鼓瑟，窓前細雨好燒香。
武淹某澤常思漢，甫寓廊州只念唐。
秉燭相看真夢寐，夜闌無語意茫茫。

釣臺

灘沙疊疊是潮痕，古木蒼然叫斷猿。
此老不干天子貴，故人方訝布衣尊。
雨甜春水魚龍動，風暖寒林鳥雀喧。
我恰扁舟臺下過，桐花香處月黃昏。

錢塘

躑躅吞聲淚暗傾，杖藜徐步浙江行。
青蕪古路人烟絕，綠樹新墟鬼火明。
事去玉環沈異域，愁來金

盃出佳城十年草木都糜爛，留得南枝照淺清。

浙江亭和徐雪江

朱甍突兀倚雲寒，潮打孤城寂寞還。
荒草斷烟新驛路，夕陽古木舊江山。
英雄聚散闌干外，今古興亡歎乃間。
一曲尊前空擊劍，西風白髮淚斑斑。

答林石田見訪有詩相勞

偶携降幟立詩壇，剪燭西牕共笑歡。
落冕蘓秦今席煖，猖狂阮籍尚氈寒。
山中客老千莖白，海上人歸一寸丹。
世事本來愁不得，乾坤只好醉時看。

孤山和李鶴田

湖上悲風舞白楊英雄凋盡只堪傷花飛廢苑憐
銅馬草沒荒墳卧石羊人在醉中春已晚客於愁
處日偏長林西樓觀青紅濕又遜僧官燕梵王

湖山堂

高堂寂寞半開門草沒頽墻竹滿園雨過湖天籠
白晝雲歸山市鎖黃昏忘機今古鷗來往說夢興
亡燕語言行盡六橋吟更好萬松嶺上一聲猿

答徐雪江

十載高居白玉堂陳情一表乞還鄉孤雲落日度
遼水匹馬西風上大行行橐尚留官裏俸賜衣猶

帶御前香只今對客難為答千古中原話柄長

歌樓感事

昔年同輦載花仙此日登樓籍妓負恩賜舞衣香
未歇御書歌扇墨猶鮮碧雲翼、金釵滑紅雪翩
翩玉珮圓却把向來供奉曲酒邊對客續朱絃

九日次周義山

杜陵清瘦不禁寒白髮蕭、強笑歡階下決明難
獨立庭前甘菊好誰看一錢留得囊羞澁九日沽
來酒帶酸却憶大明朝謁罷紫萸擎出賜千官

寄李鶴田

文江別後又三年別後三年詩幾篇老去莫思身
外事命窮甘作飲中仙天陰雨濕龍歸
輕鶴在田回首西湖：上路新蒲細柳為

讀李鶴田錢塘百詠

南浦亭邊話別時扁舟東下浙江湄徧將越國千
年事吟作錢塘百詠詩無火可能燒莽卓有刀恨
不斬高斯五陵佳氣飛揚盡淚洒西風兩鬢絲

宮人為尼

白髮今如此無依實可憐聖恩空舊想佛相又新
圓鏡曉容顏別鐘昏夢寐懸百年心上事懷古淚

連：

重訪馬碧梧

萬里遠行役十年良可哀前輩古風在故人今雨
來絕口不言事挽鬚惟把杯種得碧梧樹春風花
自開

別章杭山

抱琴曾北鄉彈鋏復南圖李泌游衡嶽知章賜鑑
湖柱頭仙是鶴濠上子非魚此夜同聯鼎他年莫
寄書

曾平山招飲

老貌不隨俗固窮而隱居一塢百竿竹八牕千卷
書酌以旋菑酒薦之新網魚興盡出門去晚涼山
雨餘

東湖送春和陳自堂

十年南北競故舊幾人存兵後誰知我城中獨見
君東湖徐孺宅北海孔融樽宛轉留春意吟詩到
夜分

南歸對客

此詩學簡齋

北行十三載癡賴身羈孤勒馬向天山咄：空踟
躕窮陰六月內白雪飛穹廬冷氣刺骨髓寒風割

肌膚饑飡棗與粟渴飲酪與酥棄置勿復言：之
則成迂前年走河北荆榛鬱丘墟夜宿古戰場鬼
物聲鳴：去年及淮南黃塵翳行裾長流漂白骨
滿目皆畏途今年歸湖山喬木依故居堂前雙老
親粲：色敷腴壁間豈無琴牀頭亦有書友朋日
過從可嬉仍可娛開軒耿晴色梅花繞庭除呼兒
斫海鯨新菑酒盈壺偶爾得生還相對真夢如萬
事一畫餅百年捋髭鬚向來誤儒冠今也無壯圖
且願休王師弩力加飯蔬

湖山類藁卷之四

湖山類藁卷之五

水雲汪 元量 大有 行吟
須溪劉 辰翁 會孟 批點

滿江紅

吳江秋夜

一箇蘭舟雙桂槳順流東去但滿目銀光萬頃淒
其風露漁火已歸鴻鴈沒櫂歌更在鴛鴦浦漸夜
深蘆葉冷颼、臨平路 吹鐵笛鳴金鼓絲玉鱸
傾香醕且浩歌痛飲藕花深處秋水長天迷遠望
曉風殘月空凝竚問人間今夕是何年清如許

金人奉露盤

越州越王臺

越山雲越江水越王臺箇中景儘可徘徊凌高放
目使人胸次共崔嵬黃鸝紫燕報春晚勸我啣杯
古時事今時淚前人喜後人哀正醉裏歌管成
灰新愁舊恨一時分付與潮回鷓鴣啼歇夕陽去
滿地風埃

琴調相思引

越上賞花

曉拂菱花巧畫眉狸羅新剪作春衣恐春歸去無

處看花枝

已恨東風成去客更教飛燕舞些時

惜花人醉頭上揷花歸

長相思

越上寄雪江

吳山深越山深空谷佳人金玉音有誰知此心
夜沉、漏沉沉閑却梅花一曲琴月高松竹林

傳言玉女

錢塘元夕

一片風流今夕與誰同樂月臺花館慨塵埃漠
豪華蕩盡只有青山如洛錢塘依舊潮生潮落

萬點燈光羞照舞鈿歌箔玉梅消瘦恨東皇命薄
昭君淚流手撚琵琶絃索離愁聊寄畫樓哀角
好事近

浙江樓聞笛

獨倚浙江樓滿耳怨笳哀笛猶有梨園聲在念那
人天北海棠顛顛怯春寒風雨怎禁得回首華
清池畔渺露蕪烟荻

洞仙歌

毗陵趙府兵後僧多占作佛屋

西園春暮亂草迷行路風卷殘花墮紅雨念舊巢

燕子飛傷誰家斜陽外長笛一聲今古繁華流
水去舞歌歌沈忍見遺鈿種香土漸橘樹方生桑
枝總長都付與沙門為主便關防不放貴游來又
突兀梯空梵王宮宇

鶯啼序

重過金陵

金陵故都最好有朱樓迢遞嗟倦客又此憑高檻
外已少佳致更落盡梨花飛盡揚花春也成憔悴
問青山三國英雄六朝奇偉麥甸葵丘荒臺敗
壘鹿豕啣枯薺正潮打孤城寂寞斜陽影裏聽樓

頭哀笳怨角未把酒愁心先醉漸夜深月滿秦淮
烟籠寒水 悽悽慘：冷冷清清燈火渡頭市慨
商女不知興廢隔江猶唱庭花餘音疊：傷心千
古淚痕如洗烏衣巷口青蕪路認依稀王謝舊鄰
里臨春結綺可憐紅粉成灰蕭索白楊風起 因
思疇昔鐵索千尋謾沈江底揮羽扇障西塵便好
角巾私第清談到底成何事回首新亭風景今如
此楚囚對泣何時已嘆人間今古真兒戲東風歲
歲還來吹入鍾山幾重翠

六州歌頭

江都

綠蕪城上懷古恨依依淮山碎江波逝昔人非今
人悲惆悵隋天子錦帆裏環珠履叢香綺展旌旗
盪漣漪擊鼓搥金擁瓊瑛玉吹恣意游嬉斜日暉
暉亂鴛啼 銷魂此際君臣醉貌貅弊事如飛山
河墜烟塵起風淒：雨霏霏草木皆垂淚家國棄
竟忘歸笙歌地歡娛地盡荒畦惟有當時皓月依
然掛楊柳青枝聽隄邊漁叟一笛醉中吹興廢誰
知

水龍吟

淮河舟中夜聞宮人琴聲

鼓鞞驚破霓裳海棠亭北多風雨歌闌酒罷玉啼
金泣此行良苦駝背糶糊馬頭匝朝朝暮暮自
都門燕別龍艘錦纜空載得春歸去目斷東南
半壁帳長淮已非吾土受降城下草如霜白淒涼
酸慳粉陣紅圍夜深人靜誰賓誰主對漁燈一點
羈愁一搦譜琴中語

望江南

幽州九日

官舍悄坐到月西斜永夜角聲悲自語客心愁破

正思家南北各天涯腸斷裂搔首一長嗟綺席

象牀寒玉枕美人何處醉黃花和淚撚琵琶

卜筮子

河南送妓移居河西

我向河南來伊向河西去客裏相逢只片時無計
留伊住去住總由伊莫把眉頭聚安得并州快
剪刀割斷相思路

滿江紅

和王昭儀韻

天上人家醉王母蟠桃春色被午夜漏聲催箭曉

光侵闕花覆千官鸞閣外香浮九鼎龍樓側恨黑
風吹雨濕霓裳歌聲歇人去後書應絕腸斷處
心難說更那堪杜宇滿山啼血事去空流東汴水
愁來不見西湖月有誰知海上泣婢娟菱花缺
王昭儀詞云太液芙蓉不似舊時顏色曾記
得春風雨露玉樓金闕名播蘭馨如后裏暈生
蓮臉君王側忽一聲鞞鼓揭天來繁華歇龍虎
散風雲絕無限事憑誰說對山河百二淚沾襟
血驛館夜驚鄉國夢官車曉碾關
山月顏婦娥垂顧官相客從圓缺

滿江紅

吳山

一霎浮雲都掩盡日無光色遙望處浮屠對峙梵

王新闕燕子自飛關北外楊花閑度樓西側慨金
鞍玉勒早朝人經年歇昭君去空愁絕文姬去
難言說想琵琶哀怨淚流成血蝴蝶夢中千種恨
杜鵑聲裏月三更最無情鴻鴈自南飛音書缺

一剪梅

懷舊

十年愁眼淚巴巴今日思家明日思家一團燕月
照窓紗樓上笳塞上笳玉人勸我酌流霞
急撚琵琶緩撚琵琶一從別後各天涯欲寄梅花
莫寄梅花

惜分飛

歌樓別客

燕子留君君欲去
征馬頻嘶不住
握手空相覩
淚珠成縷
眉峯聚恨入金徽
孤鳳語愁得文君更
苦
今夜西牕雨
斷腸能賦江南句

唐多令

吳江中秋

莎草被長洲
吳江拍岸流
憶故家西北高樓十載
客窻憔悴損搔短鬢獨悲秋
人在塞邊頭
斷鴻書寄不記當年
一片閑愁舞罷羽衣塵滿面
誰伴

我廣寒游

鷓鴣天

潏灩湖光綠正肥
蘓隄十里柳絲垂
輕便燕子低
低舞小巧鷺兒恰啼
花似錦酒成池
對花對酒兩相宜
水邊莫話長安事
且請卿喫蛤蜊

眼兒媚

記得年時賞茶蘼
蝴蝶滿園飛
一雙寶馬兩行簫
管月下扶歸
而今寂寞人何處
脉脉淚沾衣
空房獨守風穿簾子
雨隔牕兒

憶王孫

集句數首甚婉婉倫至可觀

漢家宮闕動高秋，人自傷心水自流。今日清明獨上樓，恨悠、白盡梨園弟子頭。

憶王孫

吳王此地有樓臺，風雨誰知長綠苔。半醉閑吟獨自來，小徘徊，惟見江流去不回。

憶王孫

長安不見使人愁，物換星移度幾秋。一自佳人墜玉樓，莫淹留，遠別秦城萬里游。

憶王孫

陣前金甲受降時，園客爭偷御果枝。白髮宮娃不

解愁，理征衣。一片春帆帶雨飛。

憶王孫

鷓鴣飛上越王臺，曉接黃雲慘不開。有客新從趙地回，轉堪哀，巖畔古碑空綠苔。

憶王孫

離宮別苑草淒淒，對此如何不淚垂。滿檻山川漾落暉，昔人非，惟有年、秋鴈飛。

憶王孫

上陽宮裏斷腸時，春半如秋意轉迷。獨坐紗牕刺繡遲，淚沾衣，不見人歸見燕歸。

天山雪子落紛紛，醉擁貂裘坐夜分。
明日馬頭南地去，琴邊應是有文君。

黃慧真

萬疊燕山冰雪勁，萬里長城風雨橫。
君衣雲錦勒花駝，此酒一杯何日更。

何鳳儀

十年燕客身如病，一曲剡溪心不競。
憑君寄語愛梅仙，天理現時人事盡。

周靜真

燕山雪花大如席，馬上吟詩無紙筆。
他時若遇隴頭人，折寄梅枝須一一。

頭人折寄梅枝須一一

葉靜慧

塞上砧聲響似雷，憐君騎馬望南回。
今宵且向穹廬醉，後夜相思無此杯。

孔清真

瘦馬長吟塞驢吼，坐聽三軍擊刁斗。
歸人鞍馬不須忙，為我更釀葡萄酒。

鄭惠真

琵琶撥盡昭君泣，蘆葉吹殘蔡琰啼。
歸見林逋煩說似，唐僧三藏入天西。

方妙靜

萬里秦城風漸一
一望蘓州雲幕幕
君今得旨歸
故鄉反鎖衡門
勿輕出

翁懿淑

金門夜醉紫霞觴
乞得黃冠還故鄉
一似陳搏歸
華嶽又如李泌
過衡陽

章妙懿

一從騎馬逐鈴鑿
過了千山又萬山
君已歸裝向
南去不堪腸斷
唱陽關

蔣懿順

十年牢落醉穿廬
不用歸榮駟馬車
他日儻思人
在北音書還寄
鴈來無

林順德

歸舟夜泊西興渡
坐看潮來又潮去
江草江花春
復春山青水綠
元如故

袁正淑

抱琴歸去海東濱
莫逐成連覓子春
十里西湖明
月在孤山尋訪
種梅人

昭儀王清惠字冲華

李陵臺上望峇子
五言詩客路八
千里鄉心十二

時孟勞欣已稅區脫未相離忽報江南使新來貢荔枝右李陵臺和水雲韻

妾命薄如葉流離萬里行黃塵燕塞外愁坐聽衣聲右搗衣詩呈水雲

萬里倦行役秋來瘦幾分日看河北月忽憶海東雲右秋夜寄水月水雲二昆玉

亡宋舊宮人詞

水雲歸吳寄聲長相思

章麗真

吳山秋越山秋吳越兩山相對愁長江不盡流風颭々雨颭颭萬里歸人空白頭南冠泣楚囚

袁正真

南高峯北高峯南北高峯雲澹濃湖山圖畫中采芙蓉賞芙蓉小々紅船西復東相思無路通水雲還家小詞為贖聲寄望江南


金德淑

春睡起積雪滿燕山萬里長城橫縞帶六街燈火
已闌珊人在玉樓間

汪水雲詩雜見於鄭明德遂昌雜錄陶九成輟耕
錄瞿宗吉詩話及程克勤宋遺民錄者不過三四
首夏日曬書理雲間人鈔詩舊冊得水雲詩二百
二十餘首錄成一帙然廼賢序水雲詩以為多記
國亡時事此帙多有之而所謂與文丞相獄中倡
和者槩未之見也惟浮休道人招魂歌擬杜七歌
體制者今見文丞相集後水雲詩集劉辰翁批點
刊行者藏書家必有全本當更與好古者共購之
虞山錢謙益識

東山徐勣益齋

此竹詩藏書室必有全本當更與長古昔共觀之
歸樂谷今良文逐跡集於水雲指集隱身離城樂
味苦集未之見也非魯林黃入非既婦歸林下婦
園子報華此知多首之而前能與文逐跡歸中歸
二十翰首翰外一知然與實乳水雲指必歸多
首夏日觀書里書閣入極精細年首水雲指二百
卷歸古古歸及歸上歸不歸不歸三四
玉水雲指歸長外歸海歸長歸長歸長歸長歸長歸



23

書